

KHOLO & TSOSELETSO

Lenane-thuto

Notes

THUTO EA #1:

- I. Kholo ea kereke:
 - A. Selelekela sa Thuto.
 - B. Litlhaloso tsa Mantlha.
 - C. Kholo ea kereke bukeng ea Liketso.

CLASS #2:

- I. Kholo ea kereke:(nts'etso-pele.)
 - D. Melao ea kholo ea Kereke.

CLASS #3:

- I. Kholo ea kereke:(nts'etso-pele.)
 - E. Libopeho tse tloaelehileng tse Fumanoang Kholong ea Kereke.¹
 - F. Se etsang hore kereke e hole?
Mohlala oa kholo ea kereke.

CLASS #4:

- II. Tsosetso:
 - A. Mokhoa o potlakisang kholo ea kereke ke Tsosetso.

CLASS #5:

- II. Tsosetso: (nts'etso-pele.)
 - B. Boithuto ba Mareka 5:35-43.
Tlhahlobo.

KHOLO & TSOSELETSO

Notes

Tlhahlobo

Lipotso tse ka lebelloang, Limaraka li 20

- 1) Hlalosa “kholo ea kereke” (Maq.170,171).
- 2) Bonts’a hore na “likarolo tsa lihlophana tse kopanelang mahaeng” e ka ba tharollo ea bothata bo hlahang “ka monyako le kamorao” joang (maq. 176,179).
- 3) Ke litsela li fe tse isang tsoseletsong? (leq.185).

Lipotso tse ka lebelloang, Limaraka li 10

- 1) Bolela lintlha tse tharo tsa bohlokoa-hlokoa tse amang kholo ea kereke ho latela boithuto ba rona ba Liketso (Maq. 171,172).
- 2) Ka mela e ‘meli kapa e meraro, hlalosa “Molao oa Phiramide” oa kholo ea kereke (maq. 173,174).
- 3) Ka bokhuts’oane, hlalosa le ho hlakisa Molao oa “monyako o kamorao” (leq. 175,176).
- 4) Bolela libopeho tse ‘ne tse tloaelehileng tse fumanoang kholong ea likereke (Leq. 180,181).
- 5) Hlalosa “tsoseletso” (maq. 183,184).
- 6) Hlalosa ntho e le ngoe e latelang tsoseletso (leq.186).

KHOLO & TSOSELETSO

I. Karolo ea I: Kholo ea Kereke.

Notes —

A. Selelekela sa thuto.

1. Ho hloma likereke ho tsamaea ‘moho le kholo ea kereke, joalokaha tlhaho ea ngoana e tsamaea ‘moho le kholo ea ngoana eo. Pele, kereke e ea hlongoa, joale kereke e lokela ho hola. Kahoo, thuto ena e lokela ho ithutoa hong le thuto ea ho hloma kereke.
2. Lichabeng tsa bophirimela ba lefats’e, taba ea kholo ea kereke e fetohile science.
 - a. Ntho ena e ntse e na le lintle tse itseng.
 - 1) Re bona lintlafatso tse itseng.
 - 2) Re ka khona ho haha melao e itseng ea kholo ea kereke.
 - 3) Re ka khona le ho shebisisa le ho sebelisa mekhoha e netefalitsoeng ea kholo ea kereke.
 - b. Leha ho le joalo, kholo ea kereke e le Science, e na le mefokolo.
 - 1) Re ka qeteletse re bona kholo ea kereke ikamahanya le mekhoha e itseng feela, e ke keng ea fetoha ea kholo (e le melao le mekhoha e ke keng ea fetoha e lokelang ho tlisa katleho).
 - 2) Ka nako e ngoe, kereke e ka shebahala joaloka khoebo.
 - c. Lithuto tse ling tsa kholo ea kereke, li fana ka melao ea “kakofiso ea ‘maraka” e le lintlha-kholo bakeng sa kholo ea kereke.
 - 1) **Lethathamo la lits’ebeletso le lithepa**—maikutlo a kereke e nang le lits’ebeletso tsa mefuta eohle.
 - 2) **Boleng bo phahameng**—maikutlo a hore sehlahisoa se tlameha se be boemong bo holimo, se hloke sepha.
 - 3) **Papatso**—ts’ebeliso ea litsi tse pharaletseng tsa bophatlalatsi ho hlahisa le ho tsebisa batho ka kereke.
 - 4) **Bosebeletsi**—ho ela lithoko tsa litho hloko le ho nka likhato tsa ho arabela lithoko tseo.

KHOLO & TSOSELETSO

Notes

- 5) **Boteng**—ho ba le likopano ka linako tse lumellehang.
 - 6) **Sebaka sa ho paka likalangoang**—ho etsa bonnete ba hore hona le sebaka se hlophisehileng bakeng sa hore batho ba pake makoloi a bona.
 - 7) **Seriti**—E! ea hau e be E!, che! ea hau e be che! (etsa seo o itseng u tla se etsa).
- d. Hantle-ntle, melao ena e ka ba molemo haholo bakeng sa kholo ea kereke. Leha ho le joalo, ha rea lokela ho lebala hore kereke ha se khoebo. Kahoo ha re qaleng boithuto ba rona ka litlhaloso tse itseng.

Ntla ea Puisano

Na Likereke tse holang ka potlako tikolohong ea heno ha li sebelise maikutlo a kereke e le khoebo? Haeba ho le joalo, hoo ho ama kereke joanag? Hoo ho etsa phetoho e fe?

B. Litlhaloso tsa mantlha.

1. Lebitso le hlalosang kereke ka Segerike ke ekklesia.
 - a. Ekklesia e hahilo e ka likarolo tse peli, “ek” le “kaleo.” Le ne le sebelisoa bakeng sa ho biletsa bahlabani ho ba ‘moho. Hoo ke hore, ke lentsoe le bonts’ang kopano ea lekhotla la mabotho.
 - b. Lentsoe “kaleo” le bolela ho “bitsa” ha “ek” e bolela “kantle.” Kahoo, moelelo oa mantlha oa ekklesia ke “ba bilelitsoeng ho tsoa”.
 - c. e boetse e na le moelelo oa “pokano”, “seboka”, kapa “phutheho.”
 - d. Kahoo, re lokela ho utloisisa kereke e le “pokano-‘moho ea ba bitsitsoeng.”
2. Kholo- e bolela ho atolosa, ho pharalatsa, ho eketsa, kapa ho atisa.
 - a. Kholo ea boemo- e bolela kholo ea palo kapa ea tekanyo e itseng.
 - b. Kholo ea boleng bo holimo- e bolela kholo sebopehong le matleng.
 - c. Kholo ea katiso- e bolela ho hola ka tsoalo le ka katiso.

KHOLO & TSOSELETSO

3. Kholo ea Kereke- ho holisa, ho atolosa, kapa ho eketsa palo ea batho phuthehong ea ba bitsitsoeng, hape le kholiso le ntlafatso ea motho oa kahare le sebopeho sa batho bao.
4. Mofuta o motle haholo oa kholo ea kereke, ke ha kholo ea boleng bo phahameng e hlahisa kholo ea boemo.
 - a. Hona ke hore, ha kholo ea maphelo a ba se ntseng ba le phuthehong e etellapele kholo le keketseho ea palo ea batho ba tlang phuthehong.
 - b. Hona ke ntho e ileng ea etsahala kerekeng ea Testamente e ncha (Lik 2:46,47 e isa ho Lik 2:47b).

Notes

—

C. Kholo ea kereke Bukeng ea Liketso.

1. Bukeng ea Liketso, re bona lintlha-ka-botlalo, tsa kholo ea kereke ea Testamente e Ncha,.
 - a. Hangata re bona lipolelo tse kang “phutheho ea ‘na ea eketsoa ka ba pholosoang” kapa “Lentsoe la Molimo le ne le hola ka potlako” e le sesupo sa kholo ea kereke.
 - b. Ha re ntse re ithuta lirapa tsena, re bona lintho tse ileng tsa etsa hore kereke e hole.
 - 1) Lik 2:1-41(tmana 41)—ho evangela; maleme; meeka le mehlolo.
 - 2) Lik 2:42-47 (tem 47)--thuto; kopano; ho ngoatha bohobe; thapelo;meeka le mehlolo;ho fana;thoriso.
 - 3) Lik 5:1-16(tem14)—ho arolelana;kahlolo;lineo tsa Moea;meeka le mehlolo.
 - 4) Lik 6:1-15 (tem 1,7)—tlhoriso;thuto le thero; pokano;meeka le mehlolo.
 - 5) Lik 9:28-35(tem 31,35)--tlhoriso;ho bolela lentsoe;pholiso.

KHOLO & TSOSELETSO

Notes

6) Lik 12:1-24 (tem 24)--tlhoriso; meeka le mehlolo; kahlolo.

7) Lik 14:1-7(tem 1)--tlhoriso;thero;meeka le mehlolo.

8) Lik 16:1-5 (tem 5)--thuto;boetapele.

9) Lik 19:1-20(tem 20)—Kolobetso ea Moea;thero ea lentsoe;thuto;meeka le mehlolo;kahlolo.

2. Ha re ke re shebeng chate (linomoro tse lehlakoreng le lets'ehali, li amana le linomoro ho tloha 1-9 le ho feta).

THUTO LE THERO EA LENTSOE	MEEKA, MEHLO LO	LINEO,K OLOBET SO	KAROLEL ANO	THORI SO, HO JA	THAPELO	KAHLOLO	TLHORISO	BOETAPELE LE TSAMAISO
1 *	*	*						
2 *	*		*	*	*			
3	*	*	*			*		
4 *	*						*	*
5 *	*						*	
6	*					*	*	
7 *	*						*	
8 *								*
9 *	*	*				*		

7 8 3 2 1 1 3 4 2

3. Boithuto bo fetileng bo bonts'a bohlokoa ba lintlha tse amanang le kholo ea kereke. Haholo-holo, re bona bohloka ba:

a. Meeka le mehlolo (makhetlong 9, e bonoa ha 8).

b. Thero le thuto ea lentsoe (7 ho 9).

c. Tlhoriso (4 ho 9).

d. Kahlolo (3 ho 9).

KHOLO & TSOSELETSO

- e. Lineo le kolobetso ea Moea (3 ho 9).
- f. Ho arolelana le ho fana (2 ho 9).
- g. Boetapele le tsamaiso (2 ho 9).


Ntlha ea Puisano

Kholo ea kereke e bohlokoa ha kae? Na re ikemiselitse ho nts'a le ho etsa tefo eohle molemong oa ho e fumana? Na re ikemiselitse, mohlala, ho hlorisoa? Na re ikemiselitse ho arolelana le ho fana? Motho e mong le e mong o batla kholo ea kereke. Empa ha se bohle ba ikemiselitseng ho lefa ho e fumana! Bua ka litaba tsena.

Notes —

D. Melao ea Joale ea Kholo ea Kereke.

- 1. Molao oa Phiramide.
 - a. Ha kereke e ntse e hola, baetapele ba bang ba lokela ho tsoelapele ho hlomelloa le ho koetlisoa.
 - b. ha baetapele ba eketseha, ba hlomelloa, ba koetlisoa, kereke e tla hola.



KHOLO & TSOSELETSO

Notes

c. Hona le litsela tse peli tsa mantlha tse thusanang ho etsa kamore bakeng sa kholo.

- 1) Mokhoa oa katoloso (ho hloma “likereke tsa morali”). Mohlala, ha kereke e ba le batho ba 300, kereke e ngoe e ka qaloa tikolohong e ngoe. Mokhoa o na o ka qala “lekhotla”.
- 2) Mokhoa oa “kereke-kholo”(ho eketsa basebetsi ba nako eohle kerekeng.) mohlala, ha batho ba 100 ba bacha ba tla kerekeng, kereke e eketsa moruti e mong a sebetsang nako eohle. Taba mona ke hore moruti a le mong a ke ke a khona ho hlomella le ho koetlisa batho bohle.

Beha mohlala oa hau

2. Molao oa ho hlomella. Ho Bae 4:1-16, re bona tlhalso ea tsela eo kereke (‘mele oa Krete) e tla hola ka oona.

- a. Lineo tsa ofisi: baapostola, baprofeta, baevangeli, balisa le baruti li ea fanoa:
 - 1) Ho sebelisa lineo tseo ho sebeletsa kerekeng.
 - 2) Ho hlomella le ho hahisa ‘mele (ka kotloloho ho etsa tlahiso le phetiso ea bosebeletsi boo ho ba bang).
 - 3) Mohlala, moevangeli o lokela ho evangela, a be a rute ba bang ho etsa mosebetsi oo/ho evangela.

KHOLO & TSOSELETSO

b. Bongoe kahar'a phapano—ho Bae 4:16, re bona hore 'mele o hola hantle ha o ba le boitsebelo ba bongoe phapanong.

- 1) 'mele o mong feela (Bongoe).
- 2) Leha ho le joalo, hona le litho tse fapakaneng 'meleng oo o le mong (phapano).
- 3) Bakeng sa hore 'mele o hole, litho tsohle tse fapakaneng li lokela ho ba le thahasello hape ba lumelloe ho sebetsa 'moho (bongoe phapanong). Hantle hona ho bolela hore ba lokela ho hlomelloa (sheba 1 Bakr 12:12).

Beha mohlala oa hau

3. Molao oa “monyako o hlahang Kamorao.”

a. Batho ba bangata ba tlang ha ba lule nako e telele. Ka tsela e itseng “ba tsoa ka monyako o kamorao.” kahoo, hona re ho bitsa “molao oa monyako o kamorao.” ho tloha ha batho ho ka thibela kholo ka potlako hoo keketseho e ka qetellang e sa bonahale hohang.

1) Ketsahalo ee ea ho fokotseha ha “batho ba tsoang ka lemati le kamorao” e etsahala joang?

- a) Motho e mong a ka ba le khanyetsano kapa a halefisoa ke setho se seng kerekeng.
- b) Motho a ka koatela setho se seng kerekeng kapa a ikoatela bo-eena.
- c) Motho o qala a emise ho ea lits'ebeletsong tsa khumamelo.
- d) Motho o emela ho sheba hore na hona le motho ea tsotellang ho lekana hoo a ka elelloang bosieo ba hae.

Notes

KHOLO & TSOSELETSO

Notes —

e) Motho a ka iketsetsa khetho ea ho tloha moo.

Beha Mohlala oa Hau

2) Tharollo ea bothata boo ke e fe? Re koala “monyako o kamorao” joang?


- a) Setsoalle—liphuputso li supa hore setsoalle ke senotlolo sa mantlha se ka etsang hore baeti ba lule (hona ho lumellana le taba ea hore batho ba bangata ba re kereke e haelloa ke boleng ba khahisano le tikoloho ea kananelo).
- b) Lihlophana tse nyenyane—hangata kereke e tsamaisoa ke sehlopha se itseng, seo e leng sa mantlha sa batho. Sehlopha sena ha se lumelle batho ba bang ho ba karolo ea sehlopha sa bona. Kahoo, ho thata ho ba bang ho ba karolo e batsi ea kereke. Tsoseletso kerekeng e ka qala hang ha feela sehlopha sa tsamaiso sa mantlha se ka tlohella kereke matsohong a Jesu.

Ntlha ea Puisano

Sheba sets'oants'o sena ho ithuta hore na kereke e ka ba le batho ba nkang karolo joang.

KHOLO & TSOSELETSO

Notes



Taba mona ke hore kereke e nyane e na le:

- Sehlopha sa mantlha sa batho ba tsamaisang kereke (30%).
- Sehlopha-kholo sa batho ba tlang kerekeng ka bots'epehi empa ha ba nke karolo linthong tsa mantlha tsa kereke (60%).
- Karolo e itseng ea batho ba tlang ba tsamaea ka nako tse fapakaneng (10%).
- Lefats'e.


KHOLO & TSOSELETSO

Notes

- 3) Taba ea mantlha kholong ea kereke ke ho atametsa sehlopha ka seng sa batho khubung.
 - a) Sehlopha-kholo se fetoha sehlopha sa mantlha.
 - b) Karolo e itseng ea batho e fetohela sehlopha-kholong.
 - c) Lefats'e le fetohela karolong e itseng ea batho.
- 4) Tsela ea ho etsa sena ke ho qala "lihlopha tse nyane" kapa lihlophana tsa khokahano.
 - a) Litho tse peli kapa tse tharo tsa sehlopha sa mantlha li ka bokella litho tse 7-10 tsa sehlopha-kholo le karolo ea ba oelang sehlopheng se itseng sa batho.
 - b) Sehlopha sa mantlha se ka thusana ho atametsa batho ba bang bophelong le tsamaong ea kereke. Ba sebetsa e le marokho ka ho fana ka boikarabello le matla ho ba bang.

Ntlha ea Puisano

Sheba o be o bue ka mohlala o latelang oa ts'ebeliso ea lihlopha tse nyenyane.



Lets'oao* le bonts'a setho sa sehlopha sa mantlha. Lets'oao # le bonts'a setho sa sehlopha-kholo kapa ba oelang karolong e itseng ea batho. Litho tsa sehlopha sa mantlha li lumella sehlopha sa bona ho etellapele lihlopha tse nyenyane tse ncha. Ka tsela ena, ba sebetsa e le marokho a fihlellang ba bang.

KHOLO & TSOSELETSO

- c) Taba-kholo ke ho arola sehlopha sa mantlha, le ho fa litho tsa khale tsa sehlopha sa mantlha monyetla oa ho etellapele lihlopha tse ncha tsa lehae.
- d) Ka ketsahalo le ts'ebetso ena, likamano tsa kereke li ea matlafala. Kereke e ea ntlafala. Ho ka khoneha hore motho ea neng a ka rata ho tloha kerekeng, a be le lebaka la ho lula. O tla ba le likamano. Ho bobebe ho khaohana le ts'ebetso e itseng. Ho thata haholo ho arohana le likamano

Notes —

Beha Mohlala oa Hau

- 5) Tharollo e ngoe bothateng ba “Monyako o kamorao”, ke ho bua ka eona ka mokhoa o bulehileng polopiting. Khohlano e lula e le teng pakeng tsa litho tsa kereke. Boetapele ba kereke bo tlameha ho hlahisa le ho akofisa menyetla ea poelano. Monyetla o motle ke ha kereke e ja Selallo sa Morena ‘moho. Hopola, mathata ha a nyamele...empa, mathata a ea rarolloa.
- 6) Boetapele bo lokela bo lule bo hlahisa menyetla le li tsela bakeng sa hore poelano e etsahale. Hangata hona ho ka etsoa ka kopano. Ha batho ba lokela ho sebetsa ‘moho, ba bapala ‘moho, ba ja ‘moho, ba sebeletsa ‘moho, hangata ba khona ho rarolla liphapang tsa bona.
- 7) Se lumelle basebi ho tsoelapele. Ho betere ho pepesa qoso.
- 8) Haha likamano tse batsi le balisa ba likereke tse ling. Ha motho e mong a tloha kerekeng ea hau ka baka la bothata bo sa fumaneloang tharollo bo pakeng tsa hae le setho se seng, a ka khona ho ea kerekeng e ngoe ea lehae. Balisa ba lehae ba lokela ho bolellana ha ho fumanoa “nku e lahlehileng.”

KHOLO & TSOSELETSO

Notes

- 9) Qetellong, ha re boeleng re tebise le ho tiisa bohlokoa ba khokahano le tikoloho ea kamohelano. Batho bohle ba lakatsa ho ba karolo ea eona. Kereke e lokela ho etsa bonnete ba hore ntho e joalo e teng. Haeba e le sieo, re tla lula re na le batho ba ntseng ba tsoa ka “monyako o kamorao.”

Ntlha ea Puisano

Buisanang ka lipotso le maikutlo a mang a amanang le bothata ba “monyako o Kamorao” kholong ea kereke.

Ntlha ea Puisano

Bakeng sa ntlha ka ngoe mona, hlalosa kamoo sebopeho se itseng se amanang le tikoloho kapa bochaba ba heno ka teng. Na li ea amana? Na li ka sebetsa ka katleho?

E. Libopeho tse Tloaelehileng tse Fumanoang Kholisong ea Likereke¹.

1. **Ho Hahela Kholo**—molao oona o bonts'a hore, ha karolo e ka etsang 80% ea sebaka e se e tlatsoa ke batho, moralo oa ho eketsa moaho o lokela ho etsoa (taba mona ke ho lula o phahametse kholo).
2. **Nchafatso ea Ts'ebetso**—bolokolohi tsamaisong le ts'ebetsong ea kereke, e le hore kereke e khone ho etsa liphetofo ha ho hloka hloka.
3. **Liphuthehoana le lihlophana**—boteng ba lihlopha tse nyenyane, tsa batho ba ka bang 10-25 sehlopha ka seng. Lihlophana tsena li sebetsa e le likerekana kahar'a kereke e kholo.
4. **Mekhoa e mengata e fapakaneng ea Lits'ebeletso le besebeletsi**—Besebeletsi ba kereke bo kenyeletsa lits'ebeletso tse ling tse ngata tse fapakaneng. (boevangeli, ketelo, thuto, etc.). setho ka seng sa kereke, hona le moo se nka karolo teng besebeletsing (kapa bonyane o khothaletsoa le ho hlomelloa ho nka karolo).
5. **Etsa Tsohle ka Boqhetseke le ka khahleho ea boemo bo holimo**—hona ha ho bolele ts'ebeliso ea chelete e ngata. Lintho li ntse li ka etsoa hantle (seriti le botumo bo botle, boitelo, mafolofolo, etc.) ho se ts'ebeliso ea chelete e ngata. Hangata, ho etsoa ha lintho hantle ho bapisoa le mananeo a turu le lisebelisoa tse turu tse etsang hore lintho li shebahale hantle, hona ho ka se tebe hakalo, kapa ha hloka thuso.

KHOLO & TSOSELETSO

6. **Ts'ebeliso ea Lithuto le Thero ea Bibe**—Mosebetsi oa thero le thuto, li lokela ho shebana haholo le Lentsoe la Molimo e le hore ho fanoe ka likarabo tsa 'nete mathateng a bophelo.
7. **Bosebeletsi bo kenyeletsang Lilemo Tsohle**—bana, bacha, le batho ba baholo, ba fumana monyetla oa ho arabeloa litlhokong ka bosebeletsi bo fapakaneng.
8. **Botho**—lilekane li ea ahaoa pakeng tsa batho. Kereke ha se mokhatlo. Ha o tekenele ho kena. U etsa boinehelo le boitoloebetso ho ba bang. Ke lelapa
9. **Ho shebana le ho tsotella batho**—batho ba bohlokoa ho feta mananeo.
10. **Liqeto tse sebetse**—kereke e ikemiselitse ho etsa lintho ka mokhoa o fapaneng. E na le boqapi. E ikemiselitse ho khetheha. E na le moea oa ho etsa methoho.

Ntlha ea Puisano

Bakeng sa ntlha ka ngoe mona, hlalosa kamoo sebopeho se itseng se amanang le tikoloho kapa bochaba ba heno ka teng.

F. Ke eng e etsang hore kereke e hole? (ho ipapitsoe le Dr. Lyle Schaller).²

1. Kereke e ba le boitsebelo ba bosebeletsi ba Moea o Halalelang. E bulehetse matla le tsamao ea Moea.
2. Ho buuo a haholo ka tsotello ea batho. Mosebetsi le mats'olo a kereke a amana ka kotloloho le batho.
3. Kereke e na le pono. E shebelapele
4. Maikemisetso le meralo li hlakile. Ha ho pherekano ea letho malebana le seo kereke e lelang ho se etsa.
5. Hona le bongoe le ts'ebetso-'moho pakeng tsa litho tsa kereke. Taba ea ts'ebeliso 'moho kahar'a 'mele e-ea tebisoa ka lipolelo.
6. Sepheo sa kereke sea tsebahala, se bile se utloisisoa ke litho. Se hlakile haholo.

Notes

KHOLO & TSOSELETSO

Notes

7. Litho tsa kereke li ea ts'epana. Litho li ts'epa baetapele. Baetapele ba ts'epa litho.
 - a. Kahoo, batho ba na le thahasello ea ho nka karolo.
 - b. Ha ho le joalo, baetapele ba lumella batho ba bang ho nka karolo.
8. Ho ba le katiso boetapeleng. Boikarabello le matla li fuoa ba bang. Baetapele ba bacha ba hlomamisoa, ba ea lokolloa ho sebeletsa.
9. Litho tsa kereke li itolobeletsa kereke. Ba inehela e mong ho e mong. Ho ba le khokahano le selekane se matla.
10. Selemo le selemo, ho ka ba le besebeletsi bo bocha le mananeo a macha. Lits'ebeletso tse seng li fetuo e ke nako li lokeloa ke ho nyahlatsoa. Mekhoa e mecha ea besebeletsi e ea qaloa. Kereke e etsa lintho tseo e neng e sa li etse selemong se fetileng.

Mohlala oa Kholo ea Kereke:

Kereke eo ho thoeng ke The Church on the Way, e VanNuys, California(U.S.A.) e ile ea holela lithong tse 3000 ka nako e khuts'oane haholo. Joang?

Moruti Jack Hayford o fana ka lintlha tsena tse robong e le linotlolo kholong ea kereke.³

1. Khumamelo.
2. Thuto.
3. kopano.
4. Tsotello le kutloelo-bohloko...ho ama lintho tsa mantlha.
5. Ts'ebeliso e bohlale, e bohehang ea lisebelisoa le metako le mekhabiso (ts'oants'iso, 'mino,etc.).
6. Bophelo ba Boevangeli (letsatsi ka leng, boevangeli bo fetisang bopaki ka tsela e amohelehang moo e fetisoang teng, ho bao o nang le bona).
7. Lihlopha tse nyane tsa lehae.

8. Unity

KHOLO & TSOSELETSO

Beha Mohlala oa Hau

Notes —

II. Tsosetso.

A. Mokhoa o Potlakisang Kholo ea Kereke ke Tsosetso.

Maikutlo a Sengoli:

Hona le litsela tse ngata tsa ho ithuta ka tsosetso. Ho qetella thuto ena, re tla ithuta, taba ea tsosetso ka tsela e khethehileng. Re tla sheba lipale tsa Li-Evangeli moo ho kileng ha ba le motho ea khutliselitsoeng bophelong (a tsoseletsoeng). Re tla bolela le ho etsa lethathamo la melao ea tsosetso ea semoea ka ho ithuta lipale tsa tsosetso ea nama. Re lokela ho elelloa hore re se e hole haholo ka seo re se buang boithutong bona ba tsosetso ea semoea. Leha ho le joalo, ke lumela hore re ka haha melao ea tsosetso ka tsela ena.

1. Tsosetso ke eng?

- a. Tlhaloso ea tsosetso bukeng ea tlhaloso ea mantsoe: ho phela hape, ho buseletsa bophelo kapa tlhasimoloho ho se ntseng se na le tlasenyana ea bophelo.

1) Maikutlo a ka tsepama haholo ho ba kantle ho kereke.

- a) Ka tsela ena, tsosetso ke ho senya le ho thuakanya 'muso oa satane.
- b) Buka ea Jonase e re fa mohlala o motle. Sechaba sa bohedene ba pelo e thata sa Nineve, se ile sa ba le tsosetso e kholo.

KHOLO & TSOSELETSO

Notes

- 2) Maikutlo a ka tsepama haholo ho ba kahare ho kereke.
 - a) Ka tsela ena, tsoseletso ke ho “tsosa ntlo.”
 - b) Buka ea Esera e re fa mohlala o motle haholo. Esera o thusa sechaba sa Israele ho amohela tsoseletso.
 - b. Tsoseletso ke nakong eo, kereke e qalang ho lapela le ho nyoreloa ho loka, kamor’a ho theoha mafolofolong. (Math 5:6).
 - 1) Ho lapela ho loka ha motho(tsoseletso ea motho ka mong).
 - 2) Ho lapela ho loka bakeng sa batho ba bang (tsoseletso ea boevangeli).
 - 3) Ho lapela ho loka bakeng sa tokoloho (tsoseletso tikolohong le phelisanong).
 - c. Tsoseletso e bolela ho tsoha. Motho o ne a robetse, joale o tsohile (sheba Jn 11:11; Mar 5:39, 42). Ka tsela ena, tsoseletso ke ho bona khanya ea Jesu (bala Luk 9:32; Jn 11:40).
2. Sepheo sa Tsoseletso ke se fe? — ho isa khanya ho Molimo (sheba Jn 11:4).
 3. Maemo le Lipehelo tsa Tsoseletso ke li fe?
 - a. Pehelo e ngoe ea tsoseletso ke ho elelloa kamoo re hlokanang Molimo ka teng. Ho hloma e ka hona le lefika le leholohali, le bonahalang le le leholo hore le ka tlosoa. Haeba re nahana hore re ka etsa ntho e ngoe le e ngoe ka bo-rona, ho ke ke ha ba le tsoseletso. Re lokela ho bona lefikahali le sa sisinyeheng le ka pele ho lebitla. (bala Mar 16:4).
 - b. Pehelo e ngoe ea tsoseletso ke kutlo e nang le ketso. Bala Luk 6:46-49, hopola hore tsoseletso ke ho “tsosa ntlo”. Phapang ea lihahi tse peli temaneng ee ke e fe? E mong o na le kutlo, ha e mong a se na eona. E mong o ile a pheta lentsoe, ha e mong a sa ka a etsa ka lona. (kutlo khahlanong le ho hloka kutlo). Pehelo e ngoe ea tsoseletso ke kutlo e nang le ketso.

KHOLO & TSOSELETSO

4. Ke eng se tlang pele ho Tsoseletso?

- a. Kutloelo-bohloko e etellapele tsoseletso (bala Luk 7:11-15, o shebe haholo temaneng ea 13; hape sheba Jn 11:35).
- b. Ho ile ha ba le tsoseletso Galelea. Mona re tla ithuta hore meeka le mehlolo e ile ea etellapele tsoseletso. (sheba Math 4:23-25).
- c. Esale e le bopaki ba kereke hore thapelo le ntoa ea semoea li etellapele tsoseletso. Ka mantsoe a mang, Molimo o sebelisa sechaba sa hae ho etsa ho hong pele a romela tsoseletso.
 - 1) Tsoseletsong e kholo ea Lasaro, ntlha ena e-ea netefatsoa. Jesu o re: “Phikolosang lejoe.” O ile a ba sebelisa.
 - 2) Ke lumela hore hona ho bonts’a ntoa ea semoea e etellangpele tsoseletso (sheba Jn11:39-41; hlokomela tsela eo tumelo e hokahanyoang le sena ka teng).

5. Ke litsela li fe tse Etella Tsoseletso pele?

- a. Re se re bone ha re bala ho Luk 6:46-49, tsela e ngoe ea ho fumana tsoseletso ke kutlo.
- b. Tsoseletso ke ho fumana bophelo. Kahoo, tsela e isang tsoseletsong ke ho lahlehela ke bophelo ba hau bakeng sa Jesu (sheba Math 10:39).
- c. Re itse tsoseletso ke ho thua le ho choatlaka ‘muso oa satane. Hoo ho ka etsoa joang?
 - 1) Pele, o lokela ho tlangoa. Le mona ke lumela hore re elelloa molao oa ntoa ea semoea e ntse e le tsela ea ho fumana tsoseletso.
 - 2) Ho tlama diabolosi ke ho etsa ntoa ea semoea. “E be hona a hapang thepa eohle ea ntlo” (sheba Math 12:29).
- d. Qetellong, ha re boele re phete hore, kutloelo-bohloko, ke ntlha e etellang tsoseletso pele (Luk 7:13; Jn11:35).

Notes

—

KHOLO & TSOSELETSO

Notes

6. Se tlang ka mor'a tsoseletso ke eng?

- a. Kutlo e etellapele tsoseletso. E boetse ke sehlahisoa sa eona tsoseletso. Ka tsela e itseng, Josefa o ile a tsoseletsoa. Se ileng sa etsahala kamorao ho moo ke hore, Josefa o ile a utloa le ho phetha sohle seo a neng a se laeloa ke Molimo. (sheba Math 1:24).
- b. Se tlišoang ke tsoseletso ke hore, batho ba ea lokolloa. Lilakane tsa lefu li ea tlosoa (bala Jn 11:44). Ho boetse ho bohlokoa ho bonts'a hore Jesu o boetse o sebelisa batho ba hae ho akofisa tsoseletso. Joalokaha a ile a cho, "phikolosang lejoe", o boetse a re, "Molokolleng, le molese a itsamaele".

Maikutlo a Sengoli:

Na u hopola tsoseletso e ho Luk 9:32? Petrose, Johanne, le Jakobo ba ile ba tsoseletsoa ba ba ba bona khanya ea Jesu. Hona ho hotle ha kakaang? Leha ho le joalo, bala temana e latelang. Motsotsong oo oa thabo, Petrose "a sa elellloe seo a se bolelang", o ile a leka ho khumamela Moshe le Elia. Hona ho ile ha tlišoa ke tsoseletso.

Bopaki bo fumanoang historing ea kereke bo lutse bo ts'oana. Hangata, litumelo tse ngata li thehoa kamor'a tsoseletso tse kholo.

Mohlala, kereke ea Mormon e qalile hang kamor'a tsoseletso tse kholo tsa lilemo tsa 1800. Motho o hlolloa haholo-holo ke khanya ea Molimo. Ts'usumetso e kholo ea semoea, e etsa hore batho ba khahloe ke ba bang ntle le Jesu.

Hona ke ho etsahetseng ho Petrose ho Luka 9:33. Kotsi e ngoe ea tsoseletso ke hore, litumelo tse khelohileng li ka leka ho koala sekheo seo tsoseletso e se entseng. Leha ho le joalo, tebello le takatso ea Molimo ke hore tsoseletso e ise khanya ho Jesu feela! (bala Luk 9:28-36.)

KHOLO & TSOSELETSO

B. Boithuto ba Mareka 5:35-43.

Notes —

Maikutlo a Sengoli:

Mareka 5:35-43 e kenyeletsa melao eohle ea tsoseletso eo re seng re ithutile eona karolong ea I. Temaneng ea 39, re na le ponts' o ea tlhaloso ea seo tsoseletso e leng sona. Jesu o re, “Ngoanana ha a shoa, empa o robetse.” Seo Jesu a se lupang mona ke hore ngoanana o lokela ho tsosoa. Potso eo Jesu a e botsang pele ho “tlhaloso” ea hae e bohlokoa haholo bakeng sa kereke kajeno. Jesu oa botsa, “le etsetsang moferefere, ‘me le llelang?” hona ho lupa hore tharollo e teng.

Libakeng tse ngata lefats'eng kajeno, kereke e robetse. Re ea lla ka taba ena. Hona le moferefere. Empa Jesu o na le tharollo. Tsoseletso ke tharollo! Re lokela ho etsa eng? Ha re ithuteng temana ena re tle re fumane seo re lokelang ho se etsa. Re tla bona hore re lokela ho loana. Re lokela ho ba le tumelo. Re lokela ho utloa. Re tlameha ho fepa.

1. Re Lokela ho Loana (Mar 5:35).

- a. Temaneng ea 35, re bona tlhoko ea ntoea ea semoea bakeng sa tsoseletso. Ho tloha qalong, e ne e le ntoea. Satane o leka ho thibela tsoseletso pele e qala. Mona re bona moea oa satane ts'ebetsong:
- b. Hlokomela ts'etiso (“Ha a ntse a bua”)—diabolosi ha a na tlhompho.
- c. Bona leshano (“Morali oa hau o shoele”)—taba ea hore ha ho letho le ka hlolang le etsoa ke leshano. Satane ke raleshano.

2. Re Tlameha ho ba le Tumelo (Mar 5:36,37).

- a. Joalokaha re ile ra bona, ho Jn 11:40, tumelo e bohlokoa haholo tsoseletsong. Jesu o re, “Lumela feela.” hona ho fapane le ho se lumele ho fumanoang ho Mar 6:6. Boemong boo, ha ho a ka ba ha ba le tsoseletso.
- b. Re boetse re bona tlhoko ea tumelo hape ho Mar 5:37. Jesu o ile a etsa tikeloho ea tumelo. O ile a lumella feela ba neng ba na le tumelo ho kena le eena ka tlung.

KHOLO & TSOSELETSO

Notes

3. Re Tlameha ho Utloa (Mar 5:40,41).

- a. Mona re bua ka tlhoko ea kutloelo-bohloko. Jesu o ile a etsa tikoloho ea tumelo ka ho nka ba neng ba lumela ho eena. Hape o ile a etsa sebaka sa kutloelo-bohloko ka ho nka ba neng ba rata ngoana. Ke hore, Ntate le 'M'e oa ngoana.
- b. Re boetse re elelloa kamoo kutloelo-bohloko e ileng ea sebetsa ka teng tsoseletsong ha re bala, "'me a kena moo ngoanana a robalitsoeng teng. A ts'oara letsoho la ngoanana...". Jesu o ne a na le tsotello e matla hoo a ileng a ea. O ile a mots'oara ka letsoho. Ngoanana a tsoha!

4. Re Tlameha ho Fepa (Mar 5:43).

- a. Kamor'a ketsahalo eo e amang maikutlo, empang e thabisa, hobaneng Jesu a ile a re "a nto re, ba fe ngoanana lijo". Hantle-ntle hona ho bonts'a ts'ebeliso ea boleng ba mosebetsi oa Jesu. Leha ho le joalo, ke lumela hore hona le ntho e ngoe e tebileng mona. Joalokaha motho ea ileng a tsosoa makhatheng a lefu a ka shoa ha a ke ke a fuoa se jeoang, ka tsela e ts'oanang, tsoseletso e se nang ts'alo-morao ea thuto le borutuo a e tla shoa.
- b. Ntho e ngoe e ka bang mpehali ke hore, tsoseletso e sa saloeng morao, e tsoala litumelo tse khelohileng. Ha batho ba lapile, ha ba tsotelle mofuta oa lijo tseo ba li jang. Haeba re sa fepe tsoseletso, hona le motho ea tla e fepa.

Maikutlo a Sengoli:

Hape, re lokela ho ba le tlhokomelo e kholo Boithutong ba mofuta oona ba Bibe. Ha rea lokela ho bua ka khokahano ea tsa nama le tsa moea ho feta tekanyo. Leha ho le joalo, ke lumela hore re ka haha melao le lithuto tsa tsoseletso boithutong bona. 'Me re lokela ho li beha ts'ebetsong! Ha re li sebelisa ka nepo, re tla bona kholo maphelong a rona. Re tla bona kholo ea kereke. Re tla bona kholo ea tumelo ea Bokreste. Molimo o batla lintho tsena tsohle. Molimo o batla tsoseletso. Molimo o batla kholo ea kereke. Leha ho le joalo, o khethile ho re sebelisa ho fihlela seo. Na u sebelisoa morerong oa Molimo oa kholo ea kereke le tsoseletso?

KHOLO & TSOSELETSO

Tlhahlobo:

Notes —

¹Classnotes, “Principles of Church Growth” course, Regent University, 1988, taught by Dr. Joe Umidi. Used by permission.

²Lyle Schaller, Growing Plans (Nashville, TN Abington Press, 1983).

³Classnotes, “Principles of Church Growth” course, Regent University, 1988, by Dr. Joe Umidi. Used by permission.

KHOLO & TSOSELETSO

Notes

—